

أمسية تربوية (٣) | النظر إلى السماء (٢) - محررا | د. أحمد عبد

المنعم

أحمد عبد المنعم

بسم الله الرحمن الرحيم والصلوة والسلام على رسول الله صلى الله عليه وسلم. إن شاء الله باذن الله سبحانه وتعالى نبدأ مجلس اليوم من اه سلسلة اللي هي امسية تربوية - 00:00:00

اه فكرة درس النزر الى سماء واحد كان الدافع الرئيسي ليها تقريريا تقريريا نفس الدافع بتاع المجلس ده. بس اياميها كان برضه مجلس عابر مجموعة من الاخوة آآ سمعت شوية مشاكل - 00:00:16

آآ اغلب المشاكل اللي انا بسمعها حاسس ان انا عايز اوصل رسالة واحدة لله قدمي. بصراحة يعني يعني كنت بسمع مجموعة من الاخوة يعني عندهم شوية مشاكل في الطريق الى الله. انا حاسس ان الاجابة بتاعة المشاكل اللي انا سمعتها كلها - 00:00:30
ان انا عايز اقول له كده انا حاسس ان انا مش عايز اقول لهم ده مكير المشكلة لان هي المشكلة كبيرة هو كل واحد جاي بيحكي يشتري. هي مشكلته كبيرة وانا لا ادعى ابدا ان المشكلة اللي بتقابل الانسان - 00:00:46

الطريق الى الله سبحانه وتعالى صغيرة طالما ان هو صادق وعايز يتخلص منها لكن عايز اقول له تعال نرسم صورة كبيرة للواقع اللي احنا عايشينه هتفاجأ ان المشكلة بتاعتكم واحدة حجم معين داخل هذه الصورة - 00:01:00

ليست وغد الحجم الكلي ايه اللي انت متخيله؟ ذلك الانسان بيضع على عينيه شيء بيحجب عنه النور ينخرط في تفاصيل الامر ده وبيتصور ان ان يعني الامر ده هو نهاية الحياة. وبيبدأ يتعامل بناء على كده ان خلاص دي نهاية الحياة وان الموضوع كبير جدا - 00:01:14

ان الموضوع ضخم وما حدش حاسس بالمشكلة. والشيطان بيقوده الى المنطقة. اتكلمت برضه عليها قبل كده في الدرس بتاع المرة اللي فاتت. بتاع سورة الحشر اللي انا بسميتها المنطقة المزلمة ودي كانت احده العناوين اللي انا عايز اتكلم فيها في الدرس. بس قلت هي مش ناقصة ضلعة يعني مش هنسمي الدرس المنطقة المزلمة. وبالتالي يعني مش عايزين ان - 00:01:38

واحد يوصل نفسه انه يوصل لحالة من الهم والحزن والغم. ويكون هو السبب في ده. قد يبتلى الانسان بمثل هذه الامور باشياء لا يد له فيها. انا مش بتكلم على ده الوقتي. يعني قد يبتلى الانسان بهم وبغم يحاصره ويكون هذا من البلاء الذي يستعين الله سبحانه وتعالى ليخرج - 00:01:58

منه والنبي صلى الله عليه وسلم استعاد من الهم والغم والحزن. لكن انا مش بتكلم على اللي خارج نطاق ايدك احيانا الانسان هو الذي يقول نفسه الى هذا الامر هو اللي بيضخم الهم. يعني يبتلى بهم ثم هو يساهم في تضخيم هذا الهم. قد يبتلى بغم ثم يساهم في تضخيم الغم ده حتى يغطيه. الغم - 00:02:21

الكم والهم ان اصل من معاني الغم والهم فيه معنى التغطية. الغمام اللي بيحجب بصر الانسان عن السماء الغم هو اصلا بيحجب الانسان عن الرؤية الحقيقية. لسة سبحانه الله العظيم آآ قارى اثر جميل على تويتر يعني. حد من الاخوة كاتبه - 00:02:43

كاتب وتحت عنوان كده تويتة او تغريدة تحت عنوان حتى اقرأها لكم بنصها. بيقول اثر الاستقرار النفسي على طالب العلم. قال قال الامام البخاري عن سهيل بن ابي صالح بيتكلم - 00:03:01

عنه اللي مش بيروي عنه يعني بيتكلم عنه في آآ ايه هو يعني؟ في ثقة ولا لا بيقول كان له اخ فمات. فوجد عليه فسأء حفظه ده نقل

الكلام ده ابن حجر - 00:03:15

فيبيتكلم على اثر الحالة النفسية على طالب العلم قد تؤثر عليه بامور تصرفه عن اكمال المسير طبعا هو ابتل بشيء خارج عن ارادته. اسأل الله سبحانه وتعالى ان يحفظ لنا احبابنا. وان يرزقنا جميعا حسن الخاتمة. لكن قد يبتلى الانسان بشيء. لكن هو بتفاعل -

00:03:29

عول النفس مع الامر ده قد يضم هذا الامر. مثال مثال عن التصور الخاطئ في التعامل مع الامور الانسان قد الاشياء اللي تحدث من حوله. ربنا ذكر لنا التعاملات الجاهلية الذي كان يتعاملها - 00:03:48

الرجل في الجاهلية حينما كان يرزق بنت مع انه رزق والنبي صلى الله عليه وسلم اخبار ان اللي بيرزق بهذه البنات ويحسن تربيتهم حجابا له من النار وثم تفاجأ قول الله سبحانه وتعالى ان في ناس قالها الله سبحانه وتعالى ان على اللي بيرزق يرزق بنت قال اعن تصور شوف الصورة - 00:04:04

آآ بشخص الحالة النفسية اللي بيمر بها. قال اي على هون او يدسه في التراب. يعني انت متخيلين انه عايش عايش في في هيمسك المولود يعني اللي هي البنت على هون يعني يعني هيعيش في زلة وهم - 00:04:25

طب ليه؟ يعني الا انا ايه اللي يعيش في كده؟ اللي يعيش في كده يا جماعة تصور النفس عن البنت وتصور المجتمع اللي كبروا وركزوا معي في النقطتين دول دول اصلا مركز الدرس كله. تصوره هو يعني ايه جا لي بنت - 00:04:45

في واحد لما يجي له بنت يبقى في قمة السعادة وفي قمة الشكر لله سبحانه وتعالى. وكان منتظراها وبيدعها يا رب يجي لي بنت وفي واحد ربنا وصفه لنا في القرآن لما جت له بنت - 00:05:04

بقى كاره نفسه وعايش في غم وقرف وزلة ويعني ومهانة وقاعد يفك. يا ترى اعيش في هم وغم وزلة وقرف ولا ادفنه واخلص حميد الشوف او يدسه في التراب. انت متخيلين الصورة بنفسكم ديه - 00:05:15

ايه اللي وصله للحالة دي؟ مع ان ركزوا معي. نفس الشيء نفس البنت. يعني يرزق بها انسان يكون في فرح ويرزق بها اخر يكون في هم وغم. ايه ده يعني المشكلة مش في البنت. المشكلة في التعامل النفسي من الشخص ومن المجتمع. يبقى اذا التعامل النفسي من الشخص او من - 00:05:31

قد يعني يضغطون على انسان ويقوموا بعملية ضغط نفسي على انسان يخليه يتخيل حياته في صورة معينة وفي الحقيقة ليست كذلك يعني الحقيقة الموضوع مش لا يستحق هذا الهم والغم. انت اللي عملت في نفسك كده. ما حدش قال لك تفكر بهذه الطريقة. انت اللي فكرت بهذه الطريقة اللي دخلتك في الحالة النفسية ديت - 00:05:51

طيب يبقى ده اول نقطة ازاي طريقة التفكير النفسي بتاعتي او ضغط المجتمع ركزوا بقى معايا معلش الدرس النهاردة عايز تركيز شوية لزلك اللي هيكون انتم حاجة ممكنا ان شاء الله بايه بازن الله سبحانه وتعالى لما الدرس يترفع يسمعه تاني - 00:06:16

طريقة تفكيري او ضغط المجتمع علي قد تجعلني افكر بطريقة مختلفة عن شخص وضع في نفس الزروف التي امر بها تماما. يعني اتنين ممكنا اتنين يمرروا بنفس الزروف بالضبط. لكن واحد لان - 00:06:33

طريقة تفكير وطريقة التعامل النفسي وضغط المجتمع عليه خلاه يفكر بطريقة والثاني خلاه يفكر بطريقة مختلفة فتجد اتنين بيتعارضوا لنفس الاثر واحد يكون في حالة من الرضا والسكينة والطمأنينة يعني هذا الرجل الصالح الاثر اللي انا اقرأه - 00:06:53

الذى ابتل بموت اخيه. طب ما بعض المحاسين ابتل بمثل ذلك لكن من الله سبحانه وتعالى عليه واستعان الله سبحانه وتعالى واكملا في ناس بتبتلى في الطريق الى الله سبحانه وتعالى. طيب لزلك انا - 00:07:12

الفكرة برضه اللي عايز اتكلم عنها النهاردة هو اوضحها اكتر كنت آآ بقرأ في كتاب آآ اسمه اصول علم النفس يعني الكتاب مش يعني مش مهم يعني دايما يا جماعة برضو دي قاعدة مهمة لما اجيب لكم نقل من كتاب ده مش معناه ان انا بقول لكم روحوا اقرأوا الكتاب يعني. لكن انا النقل - 00:07:27

بيقول ايه والكتاب بسيط يعني بيقول بيقول جه عند منطقة كده بيقول فيه حاجة اسمها في علم النفس حاجة اسمها المجال حاجة

اسمها المجال اللي بيحيط به الانسان وقال ان المجال ده هو البيئة اللي بتحيط بالانسان. البيئة المؤشرات يعني انت حواليك بيئه حواليك ضوضاء حواليك انوار حواليك ضوء خفي ضوء شديد - 00:07:47

اصوات مزعجة آآ مؤشرات صوتية ايا كان حاجة ضغطاك نفسيا. كل ما يحيط بك دي البيئة وقال كل واحد له البيئة بnature. يعني في واحد اما بيكون ماشي مسلا زابط المرور مسلا ماشي مركز على اشياء معينة في الشارع غير الشخص اللي نازل يشتري حاجة مركز على ايه - 00:08:11

كل واحد يعني ايه بتلتف انتبه اشياء معينة لزلك هنا انتقل لفكرة اسمها قال ايه؟ وعلى هذا يجب التمييز بين البيئة الواقعية والبيئة السيكولوجية صلوا على النبي. عليه الصلاة والسلام. كلام مش مهم يعني مش مهم المصطلحات خالص. يعني بهمني الفكرة. يعني انا هقول كلام مش مهم - 00:08:30

مش مهم المصطلحات اللي هتقابلكم طيب نرجع نقول الرجل ده بيقول ايه بيقول ينبغي التمييز بين البيئة الواقعية والبيئة السيكولوجية. ايه البيئة الواقعية والبيئة السيكولوجية؟ اي البيئة الواقعية هي العوامل اللي بتحيط بك - 00:08:53

حقيقة كل ما بيحيط بك بس في الواقع في الحقيقة اما البيئة السيكولوجية هي البيئة اللي بتحيط بك كما تشعر بها انت وكما تستجيب بها انت يعني ممكن واحد تكون عايش حواليه اخطار حواليه ميكروبات معينة حواليه آآ بعض يعني ايه - 00:09:09 العدو اللي ممكن يتعرض لها وهو لا يفكر في هزا الامر ولا يشعر به فهو في قمة الطمأنينة وقمة السعادة. فالبيئة الواقعية بالنسبة له خطر لكن البيئة السيكولوجية والرجل قاعد بيضحك وبيهزر مش في دماغه. عادي جدا - 00:09:31

يعني يمكن اتنين وده الواحد بي Shawfه كتير يعني في المستشفى تلاقي دكتور لابس يعني اوفر شوز ولابس بتابع مش عارف على دماغه ولابس عشر كمامات ولابس مش عارف ايه وداخل العناية - 00:09:47

وتلاقي مسلا مراقب للمريض داخل يعني آآ متعربيا في كل وسيلة. ومش فاهم هو الدكتور عامل في نفسه ليه كده يعني الدكتور يعني تعبان في دماغه يعني ليه الدكتور عامل في نفسه ليه - 00:10:00

وهو تاني عادي مش حاسس بازمة تأدية السيكولوجية مش حاسة باي ازمة. مم. لكن بقىته الواقعية انه قد يتعرض لامراض او غيره. وهو جاب امسلة هل يعني هو بيقول حتى بيقول آآ بعد كلام في سرد طويل يعني - 00:10:14

بيقول مسلا الرجل اللي بيسبح في البحر حواليه اسماك ايه؟ القرش او حواليه اشياء خطر وهو لا يعرف بها فبيئته الواقعية في الحقيقة هي مميتة. لكن بيئته السيكولوجية لزيرة وامنة - 00:10:32

والباخرة اللي ماشية في نص البحر حواليها ناس عايزه تموتها وتترصد لها وهي لا تشعر هي تسير بطريقة امنة لكن بيئتها الواقعية خفيفة الام النائمة في حقلها في جوار رضيعها لا يؤثر فيها الرعد ولا المطر ولا سرير الرياح ولكن حركة طفيفة من رضيعها كفيلة ان توقفها على الفور. فقال - 00:10:44

الاشياء الخارجية قد تكون موجودة في بيئتنا الواقعية. لكنها غير موجودة في بيئتنا السيكولوجية. واحيانا العكس صحيح يبقى تاني عايز يقول ان مشاعر الانسان وافكار الانسان وذهن الانسان بيصرفه للتفكير في قضايا معينة. هذه القضايا لا يشترط دائمآ. نحط احترازات لا يشترط دائمآ - 00:11:05

ان تكون هي البيئة الواقعية الحقيقة اللي انا عايشها يعني واحد جاب مجموع وده حصل مع احده الناس اللي اعرفه يعني جاب مجموع في سانوية عامة ايام ما كات سانوية عامة عندنا في مصر هنا ممكن يعني زي ما عرفش دلوقتي طبعا صناعة بيتعمل ازاي يعني. كانت حاجة اسمها شعبة عامة ممكن يدخل اي كلية - 00:11:32

مجموعة كلية هندسة ما جابش كلية طب فكان في قمة الحزن والاس والغصة يعني عاشت حالة من الكآبة ده بيئته السيكولوجية ان هو حزين في حين طلب الطب اللي ابتووا بهزا الامر وفقطوا وانتكسوا وانتحرروا وعملوا في نفسهم كل حاجة قاعدin بينظروا له انه يحمد الله سبحانه - 00:11:56

وتعالى على هزه العافية وان نجاه الله سبحانه وتعالى من هزا الهم والغم والكآبة والحزن. فهو ممكن واحد شايف ان انت يا ابني ربنا

نجاحك من الهم ده وممكن يكون هو حزين فالانسان بطريقه تفكيره او ضغط المجتمع احيانا بتخليه بينظر الامور بصورة غير التي هي عليه - 00:12:22

غير التي هي عليها حلوة او وحشة مش ده الوقت اللي انا هتكلم فيه. انا بقى عايز افكر عايز اقول لكم بس الفكرة ان الانسان قد يعيش في بيئه سيكولوجية معينة بتخليه يشوف الحياة حواليه بصورة ما غير التي عليها في الحقيقة. انت ممكن تلاقي اتنين - 00:12:43

الاسر في ازمة وواحد فيهم في قمة الرضا والسكينة والطمأنينة واحد تاني في قمة الحزن والهم والغم والابتلاء يعني مسلا الرجل اللي الف كتاب آآ البحث عن المعنى اللوجو سيرابي دكتور علم النفس ده اسمه - 00:12:59

كان الف كتاب هو من المدرسة بتاعة النمسا بتاعة العلاج وراجل اظن كان اعتقل في سجون النازيين بتاع المانيا وطبعا الالمان ما بيهزروش ما بيهزروش في اي حاجة. لا في الشغل ولا في التعزيب. فالراجل يا عيني كان متزمرط - 00:13:19

فوجد ان اغلب اللي معه ناس بينتحروا فقعد يفكري ليه الناس بتنتحر؟ فلقى ان ونعيش ليه فسؤال نعيش ليه دوت؟ فخلاله يفك طب ما انا احاول اوجد لهم معنى. معنى يعيشوا عشانه - 00:13:37

بفكرا بفكرة العلاج النفسي احد مدارس العلاج النفسي العلاج بالمعنى ان انا اوجد له معنى لوجو ثيرالد كتاب في المقدمة حتى بتاعته جميلة اللي كاتبها اسمه البحث عن المعنى مترجم يعني - 00:13:56

وطبعا دلوقتي الكتاب الرائع اللي نزل دلوقتي. كتاب ضخم يعني بتاع اسمه عبدالله الوهبي اسمه معنى الحياة في العالم الحديث بتاع تكوين وكان ورقة موجودة اصلا على الانترنت آآ ورقة بحثية جميلة يعني بس هو ضخمها جدا وانزلها في كتاب. المهم - 00:14:12

الراجل بيحاول تخيلوا واحد في سجون النازيين في المانيا بيحاول يصللي حواليه ان ممكن انت تكون انا وانت في نفس الظروف انا وانت ممكن نكون نفس الزروف بس هو عنده مشاعر نفسية ساعده من التخلص من اسار الزروف دي - 00:14:30
راح خلى بيته السيكولوجية اكسر رضا واماانا عن بيته الواقعى قدر انه يتحكم في مشاعره طبعا هم هناك ده هو مش يعني ما بيتكلمش بالدين. هو بيtalk عن التحكم. وهو لذلك - 00:14:52

من الحاجات المشاكل اللي قابلته قضية الموت هي عمل فيها ايه؟ يعني هو اتكلم على آآ وسع فكرة لعلاج السرطان المصابين بالسرطان وغيره عنده قضايا مش عارف يوجد لها معنى. زي فقد حبيب زي في الله الموت. ودي مسألة خطيرة ان هو ما عندوش هيكلمه عن الغيب هيقول له ايه - 00:15:07

المؤمن يا جماعة مؤمن ربنا سبحانه وتعالى ادى له افق واسع مسألة الغيب دي بتتوسع افق المؤمن بتساعده عن الخروج من كتير من الازمات يعني ودي حاجة سبحانه الله من رحمة الله بالمؤمن ان هو يعيش الغيب - 00:15:28

يعني من المعاني الجميلة قوي وان كان انا بحب اخرج دايما في الدرس برة كده وارجع تاني آآ تخيلوا كده المسلم لما بينزل يصلي في المسجد وهو واكل توم او بصل - 00:15:47

ويقول لك لأننا بلاش انزل عشان ما ازىش الملائكة انت متخييل لو واحد آآ ملحد بيسمع الكلام ده يعني بتصلني وكمان مش عايز تصلي عشان الملائكة انا مش شايفها يعني هو ايه بالنسبة للملحد هيحصل له ايرور لما بيسمع الكلام ده. بالنسبة للمسلم هو يعيش هذه الامور - 00:16:00

هو هو يعيش عالم الشهادة وعالم الغيب هو ما بينفصلش عن عالم الشهادة. هو يعيش عالم الشهادة ويعيش عالم الغيب طيب فكتنا بنقول ان مسألة ان البيئة السيكولوجية والبيئة الواقعية ديت لو لو انتلقنا من الفكرة ديت ايا كان مش لازم نقرها او لا بس انا يهمني زي ما قلت ان المعنى واضح - 00:16:21

المعنى واضح ان الانسان الزروف اللي حواليه وجبت لكم استشهدت باية سورة النحل امسكه على هنا وان ازاي ان الانسان طريقة تفكيره او طريقة تفكير المجتمع طاقته نفسيا تخليه يفك طريقة - 00:16:42

مش هو مين اللي قايل انك لازم تفكك كده؟ يعني مين اللي قال ان انت ينفي ان تفكك بهذه الطريقة ليه اتضفت نفسياً؟ ليه ضغطوك تفكك بهذه الطريقة؟ لذلك انا كنت من الكلمات انا برضو كنت عائز اسمى الدرس ده ايه - [00:16:58](#)

كنت عائز اسميه وده حتى العنوان الجانبي محررة كنت عائز اسميه محررة ليه كنت عائز اسمائهم محررة؟ فيه خطوة بس هي صوتها وحش على الانترنت يعني بنفس العنوان فكرتها الأساسية - [00:17:12](#)

ان كلمتين عكس بعض يعني او ده يعني ده تقسيمي يعني بيقى غلط يعني مش كلمتين عكس بعض انا لقيتهم كلمة محررة ولو حاولنا نجيب عكس لها في القرآن كلمة وان كان هي فعل يعني يهرعون - [00:17:25](#)

كلمة يهرعون اه محررا جت فين في القرآن لآل عمران طيب كلمة يوه راعون جت فين في القرآن ما فيش ماريا انت هتشكوني في حفظي ريم فين في مريم مع السيدة مريم مش في صورة ماريوس - [00:17:41](#)

احنا خلاص نقلنا على فرعون شروط اية احسنتم سورة هود وسورة صفات صورة هود وسورة سورة هود كلمة يورعون جت مع مين جت مع مين؟ كلمة يورعون في سورة هود - [00:18:01](#)

يسمع قوم مع قوم لوط جت مع لأ مش معاد احسن مع قوم لوط وفي سورة الصافيات جت اصلا قبل بداية الحديث عن قصة سيدنا نوح وبعد كده سيدنا ابراهيم اللي هي مع الاقوام - [00:18:20](#)

مع تفاصيل يعني بعد عزاب النار. واتكلمت على مسألة تقاليد الاباء. وان ربنا سبحانه وتعالى قال فهم على اثارهم يهرعون. فهم على يعني اقوام الاباء وتقاليد الاباء يهرعون طيب قبل ما نتكلم على محررة خلينا نعرف يعني ايه يراعوه. بيقى يهرعون جت مرة مع قوم لوط في موطن في كلام عن الشهوة وجاءه وجاءه قومه - [00:18:44](#)

يهرعون اليه. ومن قبل كانوا يعملون السيئات. يعني هو احد معنا الایات احد معاني الایات. ان كانوا لسه بيعملوا الشهوة لكن ولم يشبع من الشهوة ومن قبل كانوا يعملون السيئات ده احد التفسيرات - [00:19:10](#)

وبالرغم من كده جاء قومه يرعنون عليه. فآية الصفات مسألة اتباع الاباء وتقاليد الاباء والخوف من تكسير آآ الخروج عن يعني سياق آآ اثار السابقين والاباء فربنا قال فهم على اثارهم ييرعنون. فالكلمة جاءت مع موطن شهوة وموطن التقاليد - [00:19:24](#)

تقاليد السابقين. طيب يعني ايه يهرعون الاول يعني ايه يرعنون؟ انا هقرأ لكم نص من الامام ابن عاشور في يفرعون. وطبعاً لما انا عائز اعرف تفسيري فرعون طالما جت مرتين في القرآن غالباً المفسر - [00:19:43](#)

غالباً بقول غالباً هيشرعها في اول موته. يعني لو انا عائز اعرف تفاصيل كلام المفسرين في فرعون ارجع لسورة هود غالباً قد يفتح له بعد ذلك. يعني ده بيحصل احياناً وحصل نفسه مع ابونا عاشور في اكتر من لفظ - [00:19:57](#)

لكن لما انا عائز افهم لفظة ارجع الاول لاول ما اطول فجهه معاشور في سورة هود قال انا هقرأ الكلام قال يهرعون بضم الياء وفتح الراء على صيغة المبني مفعول - [00:20:14](#)

طب ما احنا عارفين بس هو بياكده المعنى ده ليه؟ يعني ليه بياكده ان هو مبني المفعول؟ قال فسروه بالمشي الشبيه بمشي المدفوع. واحد بيتزق يعني مش هو اللي بيمشي واحد عمال بيتزق - [00:20:28](#)

فهو لا يكون اللي هو الفعل يهرعون. لا يكون الا مبنياً للمفعول وده الاستعمال انا طبعاً ما استقرأتش استعمال العرب يعني ما عنديش خبرة في الباب ده يعني لكن ابن عاشور بيقول - [00:20:43](#)

وده استعمال القرآن كمان لا يأتي الا مبنياً للمفعول لان اصله طب ايه اصل كلمة يهرع اصلاً يعني ماشي يهرع قال لك واحد مشيته مشي وكأنه واحد بيتزق كان هو فاقد السيطرة على نفسه - [00:20:56](#)

طب ايه هو اصل المعنى بتاعه جه منين؟ قال لان اصله مشي الاسير الذي يسرع به. تخيل اسير بيتزق سواء بقى بيقاد الى سجنه او الى حد الى حتفه تتخيلوا مش عارف يتراجع - [00:21:12](#)

الماشية دي سموها يهرع ثم استعيرت لكل انسان بيسير في شيء لا يستطيع ان ينفك عنه. ده من عندي دي جدعة من عند الحنة الاخرانية دي جدعة. لسه انا هقرأ لكم كلام من عاشوراء دلوقتي - [00:21:30](#)

ماشي؟ نرجع للمعشوب قال وهذا البناء اللي هو لغير الفاعل يعني يقتضي ان الهرع المصدر دفع الماشي بيترزق حين مشيه. ثم تنوسي ذلك قال الا ان ذلك تنسى وبقي اهرع - 00:21:44

بمعنى سار سيرا كسير المدفوع. يعني لو جه لي الفاعل يعني احنا عندنا يهرع لغير فهم للمفعول صار سيرا كسير المدفوع. ولذلك قال جمع من اهل اللغة انه من الافعال التي التزموا فيها صيغة المفعول. طيب ببقى اللي انا عايزه ان عاشر جزار الله خيرا - 00:22:00

كده اللي انا عايزه منه عليه رحمة الله وهو دائمًا يبدع يعني في مسل هزه الامر اللي انا عايز اخد منه كلمة ان انسان بيدفع دفعه طب كلمة يدفع دفعا جت يهرع عندنا مواطنين. الشهوة قد تسيطر على الانسان وتدفعه دفعا. وده متفهم - 00:22:20

يعني نسأل الله انه يتوب علينا جميعا. كلنا ممكن نبتلى بشهوات ونقع في معاصي. وبعد ما تقع في المعصية تقوم ايه دا انا ما كنتش حاسس بنفسي انا كنت حاسس ان انا كانني يعني ادفع دفعا للشهم - 00:22:40

لكن نفس اللفظ اللي استعمل مع الشهوة يستعمل مع التقاليد لهم على اثارهم. يبرعون ده معناه ان التقاليد الاباء والمجتمع قد تسيطر على الانسان وتدفعه دفعا انه يعمل حاجة هو ممكن يكون مش مقتنع بها - 00:22:54

انه يشتري النيش مسلا عندنا في مصر انت عارفين النيش ولا ربنا يجوزكم. المهم فان هو يدفع دفعه لانه يعمل حاجة هو رافضها. او مش مقتنع بها او حتى بلاش هو مش ما فكرش اصلا فيه. يعني هو مش واحدها كقرار او فهم. هو دفع اليها دفعا - 00:23:15

لذلك انا كان تصوري ان محرا عكس الاثنين دول عكس يهرع اني ندرت لك ما في بطني محررة وان كان المعنى الاصلي هناك محرا من من اعباء الدنيا يعني كان عندهم ان ممكن الانسان يذر ابنه ليخدم يعني اماكن العبادة ويظل فيها - 00:23:38

ويتحرر من من اشغالاته الدنيوية لكن لو وسعنا المفهوم ان انسان يتحرر وانا اتكلمت عن المعنى ده ازن في درس افتكرت دلوقتي اظن اشكالية البناء المعرفي واتكلمت على نزيرية آآ اللي قالها حسام البخاري - 00:23:57

آآ نظرية قالب البسطرمة. مسألة صنع ازاي آآ ازاي عقولنا بيتم تصنيعها في صورة قوالب من الاعلام والتعليم وكده طيب ببقى انا الوقتي بيقي انا دلوقتي بتكلم في مسألة ان البيئة اللي حواليها ممكن تأثر على نفسيا تدفعني دفعا لاختيارات - 00:24:16

وكانى فعل يهرع اليها الانسان وآآ بتخلية كأنه اسير يدفع دفعا بتخلية كأنه بيمسك الشيء على غون يتتعصب من حاجة هي ممكن تبقى خير يغضب من شيء ممكن يكون هو خير اصلا - 00:24:40

آآ لذلك بردو من الدروس كويس انا اختبرته. الدروس الجميلة قوي اللي اتكلمت وكان وقتها جميل كان وقتها نزل الدرس ده ايام نتيجة سانوية عامة والناس بقى اللي انا ما جبتش مجموع هولع في نفسى ومش عارف ايه وكده. فكان الشيخ كريم حلمي ربنا يحفزه ويبارك فيه. نزل درس جميل جدا اسمه السوق الرقيق - 00:24:59

المسيح مواجهة ناس زمان قالتها الفسيح بتقول لي هو ايه سوق الريل الرقيق الفسيح ده بس هو فسيح. واسمها السوق الرقيق الفسيح الواسع يعني يعني احنا عايشين يعني تم آآ استعبادنا بصورة كبيرة - 00:25:21

خلاص برضو من الحاجات اللي لقيتها اتكلمت بصورة جميلة في الموضوع ده وان كان الكتاب نفسه تقيل شويتين ثلاثة يعني. وما انصحش يعني بالقراءة به لغير المتخصص باب اسمه حياة تالفة. ازمة النفس الحديثة - 00:25:40

آآ ترجمة الشيخ عبدالله الشهري الكتاب يعني بيتكلم ازاي ان الحياة اللي احنا عايشينها اسرت في في تقديرنا واسرت في نفسينا ودمرتنا لذلك استعمل مصطلح من كانوا استعاروا آآ من غيره يعني - 00:25:57

المهم يعني استعمل مصطلح اسمه استعمار عالم الحياة ويستعمل ان ازاي عمله في في الحياة بتاعتنا حاجتين. ازاي حطوها في سيسنتم قالب وعقلنوه وازاي تم استعماره؟ خلاص طبعا المتخصص وخصوصا المصطلحات دي لانها اصلا - 00:26:17

انا هتكلم في الحل دلوقتي. الناس اللي بتتكلم في الحلول انا اسايب الحلول للآخر ان شاء الله يعني يتكلم اللي انا ليه جبت سيرة الكتاب؟ والكتاب مليان يعني الكتاب بصراحة مليان وعجبني ان منصة ادراك - 00:26:40

له تلخيص الكتاب دسم شوية نزلت له ترخيص. واحد الاخوة الافاضل قال لي ان شاء الله انه هيعمل عنه شغل قريب. بيسطه يعني انا ليه بس آآ عجبني مصطلح جميل جدا في الكتاب - 00:26:55

يعني عجبني مصطلح عجبني بيقول ايه جه في الاخر خالص في اخر الكتاب استعمل بعض المصطلحات كده المصطلح التماهي مع الباغي يعني ازاي واحد زالم وجايغ عليك وانت تبسط معه وتعيش - 00:27:09

مش معاك لكن عجبني مصطلح بيقول ايه عجز العجز عن مقاومة التشكيل الايديولوجي. ايه الكلام الكبير ده يا عム الحاج؟ عايز يقول ان انت ممكن دماغك بتتغير وبيتلعب فيها وبتوجه وانت عاجز عن المقاومة - 00:27:22

عاجز وده بيحصل معنا نفسيا يتم توجيهك لشهوات معينة وتبني طموحات طموحات وامال هي مش امالك. يعني تخيل لما مستقبلك يرسم لك قصر ثم تسير فيه ثم تحزن حينما تفشل في السير في الطريق المجبور عليك اصلا - 00:27:41

وبعدين تكتتب انك ما حفقت تيجي الطموح اللي هو ما كانش بتاعك. يعني انتم متخيلين اللغة؟ هو هو مش هو اصلا ما كانش امالك ومش طموحك رسمت لك غصبا عنك. ثم اجبرت في السير فيها. ثم تفشل في تحقيقه فتكتتب فتنتحر. عشان ايه؟ عشان ما حفقتش طموح مش - 00:28:05

يعني ايه اللبخة اللي احنا عايشين فيها دي فلابد ان الانسان يخرج شوية من النقطة دي يا جماعة يخرج واحد انا في مرة بناقش مع واحد الفكرة ديت قبل ما هي طبعا هي بردوا لسه ما اختبرتش يعني انا بحاول معكم يعني. في مرة وانا بناقش مع واحد قال لي طب معلش يعني هو مش ده طبيعي - 00:28:25

السؤال عجبني بيقول لي مش ده طبيعي ان انا اعيش بيئتي يعني ومشاكلتي وهموي امال يعني كل يعني هموي مش هاعيشها قلت فيه فارق هنا وده ردی على السؤال في فريق انك طبعا تعيش هموك ما هو مش معقول كل ما يحصل لي هم او مشكلة او تيجي مسلا آآ مراتي تقول لي عندنا مشكلة كذا في البيت اقول لها لا انزري الى السماء - 00:28:48

انا ما عنديش طب انا هتفاصل طبعا هي ساعتها مش هينفع اقول لها من زور الاستماع انا اتفاصل مع عمومي ومشاكلتي واحلها. لكن لا استغرق فيها. اعرف قيمتها واعرف حجمها - 00:29:10

ما تخليش مشاكلی توديني للمنطقة المزلمة ما وصلش لحالة من الاحباط واليأس ليه؟ اعمل في نفسي كده عشان ايه؟ ما الذي يستحق من اللطائف الجميلة برضو اللي قرأتها فاكر مين كان الشيخ وجدان ربنا يبارك فيه اشار للنقل ده مش فاكر مين من الاخوة الافاضل - 00:29:22

بس هنسيب له ده النقل جميل قوي بيقول ايه؟ من سماحة نفس النبي صلی الله عليه وسلم حتى ان الشايب لم يسرع اليه ويفزو شعره انه كان عنده طاقة نفسية ازاي واحد مر بكل الابتلاءات دي - 00:29:43

والشيب لم يغزوه يعني لم يbedo ازاي فانت طبعا قد الامر قد يحدس قدرها لكن اقصد الاشارة اللطيفة هنا ازاي قدر المستطاع قدر المستطاع وده بمعنى انا بحاول احبط مع ان انا اتكلمت الدرس اللي فات على مسألة كيفية تلقي المواعظ وعدم التطبيق الحرفي لها فبحاول احبط احتراسات بتكلم قدر المستطاع اني لا - 00:30:01

اسمح لهذه المشاكل ان تأخذ حجما اكبر من حجمها. بل نحن ندعو ونقول آآ ان الله سبحانه وتعالى لا يكلفنا ما لا طاقة لنا به ادعوا الله سبحانه وتعالى ذلك - 00:30:27

لان احيانا الانسان هو اللي بيفعل ذلك بنفسه لذلك من الادعية العجيبة ان احنا بنقولها صباحا ومساء بل وجدت روایة وكمان قبل النوم ان تستعيذ بالله من شر نفسك. اللهم عالم - 00:30:38

والشهادة فاطر السماوات والارض. رب كل شيء وملكيها. اعوذ بك من شر نفسي. قبل شر الشيطان وشركه او وشركه فاستعيذ بالله من شر نفسك نفسي ممك تقوتك الى حتفك نفسك لو سيطرت عليك واما من خاف مقام ربها ونهى النفس عن الهوى. لازم يبقى عندي شوية قيادة على نفسي - 00:30:52

ما تتحكمش هي في المجتمع يتحكم في ويفرض علي امور اعيش فيها منغصة. طب ليه؟ المجتمع بتعبير عجبني قوي برضه تعبير محمد مصطفى عبدالمجيد ربنا يحفظه كان بيقول انت بتسيب نفسك وعقلك مالطشة للحياة. قاعدين بيحطوا لك تعريف النجاح. ويحطوا لك تعريف للصوت ويحطوا لك تعريف للفشل ويحطوا لك وحضرتك - 00:31:16

تلقي هذة التعريفات وتنزل المجتمع ومن الذي قال ان هزا هو النجاح؟ يعني ليه ما بنعiedش تعريف حاجة برضو ده مش معناه الشك في كل شيء في الدنيا. لأن برضو نضع ايه كل حاجة في حجمها الطبيعي - 00:31:40

فالخلاصة ما هو برضه يا جماعة انا زي ما انا قلت يعني هو صعب وده نقطة مهمة انا بحاول انظر للتعليقات سريعا كده طبعا يستحيل اجي اجاوب عليها كلها. صعب ان في درس واحد ان احنا نجاوب على كل الاسئلة - 00:31:54

وانا اتكلمت في دي المرة اللي فاتت امتي القرآن نفسه عشان تقوت تقراه كله. بتجمع النصوص في المسألة الواحدة فانا اما بقول كده ده مش معناه ان انا اعيش في شك ورببة. ايه ده هو طموحي ده المجتمع راسمه لي ولا هو طموحي؟ لا يعني ده له طريقة تانية بتحديد اهدافي - 00:32:14

بطريقة مشورة اخواني يعني يعني طبعا ده مش هاحنه هنا في الدرس كل غرض الاساسي للدرس ان انا ما اسمحش لنفسي تقدوني لمنطقة مزلمة من الهم والغم انا اللي اتسبب في ده - 00:32:30

في فرق بين ابتلاء بيقع عليه غصب عنك وانك انت تتسبب انك بتضع غشاوة على عينيك بل كنت بناشد احد المتخصصين في علم النفس دي وقال لي قال ده اصلا بيضربوه بتوع علم النفس ان الطبيب النفسي بيساعد - 00:32:43

المريض انه ينزع الغشاوة اللي على عينه وحتى ضرب لي مسال الحصان اللي بيكون بيحطوا له غشاوي على عينه في السباق عشان ما يركش غير في السباق لا ما بيشيل على عينه بيكتشف ان العالم كبير. هو انت احيانا كده ماشي في تراك - 00:33:00
جايip اخرk فيه ومش واحد بالك ان العالم كبير فدور ان احنا ننزع بس الرشاوة دي هو انا عايز كل اللي اقوله ان قد قد اهو قد يكون العالم اكبر والحياة وهمومها اكبر مما تخيل. ولذلك انا كنت زمان بناقش بعض اخواني اقول لهم - 00:33:13

ليه احيانا والسؤال ده متكرر يعني توني ممكن قلته في اكتر من درس ليه احيانا ممكن الانسان يكون مهموم ومغموم وعنه مشاكل ثم يمن الله عليه بفضله وكرمه ورحمته. ويقوم يصلني قيام ليل يفتح له فيه - 00:33:34
يطيل في قيام الليل. ثم يخرج من قيام الليل بصدر منشرح ونفس طيبة فكنت بسأله هو ايه اللي حصل يعني الموضوع ده كان بيشغلني. اقعد مع بعض يا اخواني اقول لهم - 00:33:48

المشكلة زي ما هي ما اتحلتش يعني ليه هل ايه اللي بيشرح الصدر هنا؟ هل العلاقة بالله؟ هل القرآن كأن يعني عمل زوم اوت كده فخلاني اشوف مشكلتي ضمن مشاكل كبيرة يعني اما تيجي تقرأ القرآننبي او زي وعذب وده قتل - 00:34:00
اشعر الدين وفي جنة ونار واخرة. فكان السورة اتسعت هل حصل مزاحمة لهمي؟ دخل هموم تانية اكبر من همومي دخل همومي الاخيرة علاقتي بالله هل اكتشفت ان في الله قادر على حل مشاكل؟ يعني ايه اللي بيحصل - 00:34:22

يخليني مشكلتي زي ما هي يعني لسه ما فكرتش في تفاصيل حلها وحنة بقى تفاصيل المشكلة وازاي تفاصيل المشكلة بتتأثر ده في درس النظر الى سماء واحد. اللي عايز يرجعني - 00:34:40
يعني ايه اللي عمله القرآن ساعدني في ده ساعدني في تصغير مش حجم المشكلة على الاقل على الاقل همها. زاحتها بهموم اخرى يعني انا شفت بعض عجبني قوي بعض التعليقات اللي موجودة ازاي ان الناس اللي عاشت في اماكن معينة سافرت برة او عاشت في كومنات معينة اثرت - 00:34:54

اريد تفكيرها اختارت نمط حياة مجبرة عليه او مفروض عليها فعاش في هموم وغموم ان هو مطالب انه يسد هزا الكم. وعلى فكرة وده من المعاني الرئيسية اللي الكتاب اصلا بيتكلم عنه - 00:35:16

ازاي هو انا كنت عملت بعض الاقتباسات في قناة التليجرام منه ازاي بتفرض علينا اشياء لشتريها لا نزيدها يعني انت بتتحوش وبشتري حاجة انت مش عايزها اصلا. اساسا بس هي فرضت عليك. ازاي انك مضغوط نفسيا وبتبكي انك قادر تحصل - 00:35:27

والمتتج مع ان انت مش محتاجه. بدليل ان هو هو ما كنش معك وانت كنت ممكن بلاش مش محتاجه. مش مضطر اليه لا يستحق هذا الحزن. كل دي احترازات فاحنا محتاجين يا جماعة نتدارك انفسنا في الواقع وخصوصا وخصوصا وبقولها عايز اقولها عشر مرات

ووادع السوشيال ميديا. انت بتفتح السوشيال ميديا افتح الفيسبوك او تويتر او اي موقع من المواقع المهمبة ديت انت سوق مفتوح معرض امامك جابت وفلان جاب والممسل لده واعلان لده واعلان لمنتج والحق الابديت - 00:36:10

سيل متواصل رهيب انت مش عارف تحقق ايه ولا ايه؟ وعلى كل المستويات على المستويات النفسية والمعنوية والبدنية والصحية وفلان راح الجيم وفلان جاب شهادة تقدير وفلان سافر خد شهادة من امريكا - 00:36:27

وفلان مش عارف عمل ايه حقق ايه مجموعة رهيبة من الحياة لا تظهر لك الا نتائجها النهائية وانت قاعد عمال تتفرج على كل ده وقاعد انا فاشل. انا ما فيش مني امل. كل دول عملوا كل حاجة. انا اصلا ما عملش ايه حاجة في حياتي. وضفت تعريفني نجاح من ناس من فرض علي - 00:36:40

وسم عملت تعريف للفشل واستنتجت انك فاشل. ومن قال لك انك فاشل النبي صلى الله عليه وسلم لما يعني يغضب من اصحابه انهم لم يخبروه بموت امرأة. امرأة سرت غلبة كانت بتقدم المسجد بتكنس المسجد - 00:37:00

فلما ماتت بالليل ما رضوش يقولوا له. فالنبي صلى الله عليه وسلم قال هلا اذنتموني ليه ما قلتوليش؟ وذهب ليصلی على قبرها صلى الله عليه وسلم. امرأة بتقوم من المسجد - 00:37:19

النبي صلى الله عليه وسلم راح صلى عليها مخصوص احنا بنجحيب التعريفات بتاعتنا منين تفرض علينا فانا اللي انا عايز اقوله لا نضغط على انفسنا. نرافق بانفسنا يا جماعة. الرفق نرافق باولادنا. نرافق باحبابنا. الرفق بانفسنا. اول حاجة تسأل عن نفسك -

00:37:29

صدقة تتصدق عن نفسك الاول لسه بقرأ حديس امبارح الادب المفرد بيقول ايه لاحد مشايخي عليه آآ بيقول النبي صلى الله عليه وسلم يقول ما اطعمت نفسك فهو صدقة عجبني قوي تعليق الشيخ مسألة اطعام نفسك اطعام لنفسك تاخد عليه صدقة - 00:37:49

ايوة لانك انت بتروض نفسك واطعامك لنفسك بتعرف نفسك عن النظر الى الحرام انت قاعد بتقود نفسك فبتفرق بنفسك والنبي احاديس مشهورة وجدت حبل آآ مشدود في المسجد امرأة بتصلني به ولما بتتعمب بتبعص له قال لمن هذا حلوه؟ وغير ذلك -

00:38:18

الانسان لا يتسلط على نفسه ويعذبها ثم نفسه تقوده الى حتفه الى المنطقة المظلمة التي نسأل الله سبحانه وتعالى الا نذهب به يبقى دي كانت الفكرة الأساسية بتاعة درس ان انا محتاج - 00:38:39

اه ازاحم هزه الهموم التي بداخلي. محتاج ما اوصلش لمراحله يهرب محتاج ان انا اكون محررا وده محتاج وسائل. ده ما بيحصلش بين يوم وليلة. يعني مش مش هنطلع من الدرس النهاردة هنكسر بقى ايه؟ اي حد يكلمني انا هنزل الشغل بكرة. مدير يقول لي انت ما عملتش - 00:38:56

اللي وراك ليه؟ اقول له باقول لك ايه؟ خلاص انا اكتشفت البيئة السبيكولوجية ما حدش يقول لي ما تعملش شغلك ليه؟ لا اعقل شوية كده. آآ تيجي - 00:39:15

مسلا عندك امتحانات والدتك تقول لك ما بتزاكوش ليه؟ تقول لها لأنّا خلاص انا هاطلع من السوق الرقيق الفسيح بيقول لك الواد ده اتهيل ولا ايه؟ انت يا ابني بتسمع ايه اللي حصل لك! انا سايباك كوييس. انا مش داخل الامتحانات. انا ما عتش ما حدش يقول لي واحد يقول لك ازيك انت ما تقوليش ازيك - 00:39:25

انا مش عايز ايه الاستجابة العجيبة اللي بتحصل احيانا لبعض الدروس هي وضحت المشكلة عندي يعني بس عموما انا بحاول اعمل احترازات اه وده ما حدش قال ده. يعني انت انت عندك التزامات. عندك واجبات في حياتك. لان برضه يعني المصطلح يعني بقى مبتدل اول الفترة الاخريانية - 00:39:42

مصطلح الهشاشة دوت لزلك احاول اعمل درس قريب ان شاء الله اه لان برضو الناس فعلا الجيل ده مظلوم يعني هو مش بس هو اللي عنده هشاشة هو اللي صلحها لنفسه. هو مفعول به. هو صنعت - 00:40:03

هو يعني يعني زي فكرة برضه الكتاب ان انت الواقع ضغطك وعيشك حياة معينة بقى ده منتج. طبعا انت بتساهم في ده المهم يعني
فانا عايز بس حالة من التوازن - 00:40:18

هحاول اذكر دلوقتي حاجات تساعدنا واظن كريم كريم كان قال كريم حلمي في الدرس قال بعض الحاجات الجميلة برضو لو
تسمعوا الدرس اللوا سكر رقيق آآ من الحاجات اللي بتفيديني بصراحة عموما - 00:40:31

كرياتي السير الزاتية او سماع اللي ما لوش بل للقراءة بتكتشف ان الحار راجل مر بكم مرت بابتلاءات كتير اوبي وبعددين عايش حينته
حتى كنت لسه بقول لبعض اخوانى من الحاجات اللي قابلت مغادرة - 00:40:50
الشيخ فهد اللي كان اسمه ايه؟ شيخ اسمه ايه؟ نسيت اسمه بتاع فايز الكندري الشیخ فایز الکندري اه حتى انزل اظن كان له حلقات
موجودة على اليوتيوب ونزل تجربته في كتاب - 00:41:07

وازاي مر بازمات رهيبة؟ انت قاعد بتسمع التفاصيل هو وغيره يعني الحياة ما بتنتهيش يعني انت في حدس من الاحداث انت
ممکن لاقدر الله لو حصل لاي حد بتقول ده حياته انتهت - 00:41:21

في ناس مرت بازمات وحياته ما انتهت واحد يقول لي طب وافرض حياته انتهت قال لك يا اخي لا تقتل المتعة يا اخي يا سيدى
لو حياته انتهت زي ما ربنا سبحانه وتعالى قال في آآ سورة يوسف عليه السلام - 00:41:33
بعد ما اخبر الله سبحانه وتعالى ان بعد ما كلمه الملك وقال هناك اليوم لدينا بكم امين وان يصيّب رحمتنا من نشاء ربنا قال بعدها
على طول ولا اجر الاخرة خير - 00:41:48

يعني مين برضو اللي قال ان نهاية الدنيا طب ما قصة غلام الاخدود ونهاية الناس لما بتلقى في النار وشقت لهم الاخاديد من الذي
قال ان هؤلاء الذين القوا في النار - 00:41:58

كده حياتهم انتهت لا ده بالعكس ده كانت بداية النعيم فقال لها الطفل يا امه اصبري فانك على الحق فقراءة عموما السير الزاتية ولا
سيما لصحابة النبي صلى الله عليه وسلم والتبعين واتباع التابعين السيرة كاملة - 00:42:08
السيرة كاملة مش مقتطفات وهنا آآ يعني هاجي لكم نقطة خارج الدرس شوية بس يعني بالنسبة لي انا شايف ان هي مهمة لان انا
برضو الفترة دي مشغول بشوية بمسألة صناعة التوازن - 00:42:25

فارق بين قراءة مقتطفات من آآ مسلا انا بقول ده ليه برضه لان انا المرة اللي فاتت نصحت بقول لكم انا دايما سايب على المكتب
جنبي مختصر لسرع اعلام النباء - 00:42:42

بعض ناس ممکن لما بييجي يقرأو بيعملوا نوع من الایه من نوع من اسمه ايه؟ يعني الصدمة والاحباط في فارق بين القراءة في
الكتب كتب السلوك مسلا الكتب اللي مخصصة للمواضيع - 00:42:54

وبي بين قراءة النصوص كاملة في الباب. ودي يا جماعة انا عشتها. واسأل الله سبحانه وتعالى ان يمن علي قريبا ان شاء الله بشرح كتاب
الادب المفرد وغيره من الكتب زي شمائل النبي صلى الله عليه وسلم - 00:43:15
آآ ميزة القراءة في في كتب النصوص على بعضها اما بتيجي تقرأ كتاب السنّة على بعضه او او القصة على بعضها انك بتشفوف الحياة
كاملة يعني ختام الادب المفرد وغيره - 00:43:28

انك بتشفوف الصحابة في لحظات الضعف ولحظات القوة. في لحظات الزنب وفي لحظات التوبة. بتشفوف الحياة البشرية كاملة على
بعض غير الكتاب اللي بيتنقى لحظة البطولة فقط يعني غير الكتاب اللي بيتنقى لحظات النجاح فقط - 00:43:41

فانت هنا مش شايف الحياة كاملة. فييجي لك احباط غير لما بتشفوف الصحابي اذنب وآآ شاف امرأة وآآ قبلها وقال فعلت فيها كل
شيء الا الجماع وراح للنبي قدام الناس قال له يا رسول الله انا عملت كذا - 00:43:55

النبي صلى الله عليه وسلم فنزلت الى الحسنات بذهن السينات. قال رسول الله صلى الله عليه وسلم هذه خاصة للناس عامة؟ قال
للناس عامة. لما تشفوف ابو ذر وهو من هو - 00:44:10

يقولوا ما قدرتش امسك نفسى وشتمنت وعيت فالنبي بيقول له انت عيرته يقول له اه عيرته. دي امي. بتشفوفهم في لحظات الضعف

ولحظات القوة شوف الحياة على بعضها. ده بيصنع عندي توازن - 19:44:00

فقراءة القصة كاملة وسماع السلسلة كاملة هي دي مش بصوا يا جماعة ما هي مشكلتنا في ايه ان احنا وانا كنت كاتب تغريدة قريب في المعنى ده ان احنا بنكون تصوراتنا الكلية من تويتة ومن بوست ومن كتاب او من كتيب او من درس. وبعدين نتهم الكاتب او اللي
القى ده 00:44:32 -

الله لما يحصل سقوط لدولة من دول الاسلام - 00:45:05
الفكرة انك ادي لنفسك بروح وده برضو على فكرة للناس اللي بتقرأ آآ في التاريخ كتير تلاقيهم ما بيحصلهمش ببلة. يعني مسلا لاقدر
كاملة. دي من وسائل برضو النزر الى السماء ووسائل الخروج من ضيق - 00:44:51
ان هو ضلنا وان هو ما قلناش الحقيقة. طب ما هو انت يعني سيبك منه. سيبك من المتكلم. ما انت ادي لنفسك فرصة فانظر للصورة

فهو بيقول لك ايه المتن بيقول بيقول له تقبل الحجر الاسود ان وجدته - 00:45:20

انت متخيل الراجل بيتعامل عادي جدا يقول لك لو لقيته بقبله. هو ما هو كانوا واحدين ساعتها النزرة على التاريخ من فوق وده
برضو للقرآن بيعمله نظرة للكلية بتخليك يعني هادي شوية مش عند كل حدس في شخصيات هلوعة - 00:45:38
ما فيش فايدة بني اسرائيل في كل ازمة اه ما فيش اوزينا من قبل ان تأتينا ومن بعد. البحر مش قلت لك انت هتفرقنا. كل ما يحصل
لهם ازمة التراب وهلع - 00:45:57

فالانسان قراءة التاريخ اه السير الزاتية آآ الكتب كاملة. زي قلت لك بتمر كده على السنن كاملة. فتجد توازن وده على فكرة عشان
برضو اصرح لكم ميزة الدرس دي ان هي فيها نوع من الدردشة فتجدوا فيها ايه؟ بوح بعض الاسرار يعني - [00:46:08](#)
ده من الاسباب اللي مخليني متعدد جدا في درس اشكالية الجامع بين الدين والدنيا لأن المسألة هي مش درس ولا معادلة هتضربها
هتجمع لك بيته الدنيا. لأن هي انماط كتيرة مختلفة من الدين - [00:46:29](#)

لما بتيجي تقرأ النصوص على بعضها نص بيذوم الدنيا ونص صحابي كان غني.انا كنت لسه برضو بقرأ قريب في جمع بيان العلم والفضل فتجد فصل في زمن الدنيا. الفصل اللي بعده التابعين والصحابة والصحابه والتابعين واتبع التابعين والعلماء اللي كانوا اغنياء جدا - 00:46:43

اللي بعده اللي اختاروا التقلل من الدنيا. تحس ان هو قاعد يعني ايه دش سخن ودش ساقع دش سخن لغاية لما انت تربط بقى تتوزن يحصل لك حالة من التوازن - 00:47:02

يفهمك ان الحياة مش اختيار واحد فده ميزة غير لما واحد مسلا يقرأ ينتقل فصل من اي كتاب مسلا الزهد من كتاب جمع
بيان العلم حاجة معينة فصل واحد فقط - 00:47:14

وخدوا بالكم ده مش مشكلة. المشكلة ان تقوم ببناء تصور كلي قطعي مين ده؟ هي دي المشكلة من هزا الامر هي ده الاشكال. سـمـ تنافـحـ عـنـهـ سـمـ تـصـدـمـ فـيـ غـيـرـهـ فـاـيـهـ؟ـ فـتـنـتـكـسـ بـقـىـ وـتـلـوـلـ وـالـلـيـ حـصـلـ ضـحـكـ عـلـيـنـاـ - 00:47:28
فالخلاصة ان آآ الانسان لما يـيـنـظـرـ لـلـعـالـمـ وـدـهـ اـتـكـلـمـ بـقـىـ فـيـ درـسـ النـظـرـ إـلـىـ السـمـاءـ.ـ انـ تـخـرـجـ خـارـجـ هـذـهـ الدـائـرـةـ قـلـيـلـاـ ثـمـ عـدـ الـيـهـ.ـ 00:47:50ـ مـشـ هـقـمـ الـكـلـاـكـاـلـ عـلـىـ طـمـاـ -

اين اوقات الخروج من الهموم. فين دي في حياتك؟ يعني فين الوقت اللي احنا ممكن نسميه اللي بتفصل فيه افضل شوية
بتفصل امتى؟ يعني لما الزرار بيضغط عليه على طول - 00:48:04

على طول في ضغط ضغط عليه بيعمل انت تحتاج نفسك تفصل طبعا المفروض ده يكون في الصلاة قيام الليل في الاذكار. طب لو انا مش عارف ده اعملها اسبوعيا درس فيه جنة والنار - 00:48:19

تراها رأي العين جزاكم الله خيرا ارحنا بها يا بلال قرة عيني في الصلاة لازم يكون فيه فصلات في حياتك آآ يعني خد يوم كده احازة اقفل موبайлک - 00:48:33

لسه بقول واحد اخواني انا عايز اجيب موبايل اللي هو القديم دوت ان ما فيش فيه اي حاجة غير ان الزرار اللي بيرد اللي بيقف
واسبت يومين او ثلاثة في الاسبوع يكون هو اللي معی - 00:48:51

كم يا جماعة الاشعارات اللي بيجي لنا مهول فانت لازم يجي لك وقت آآ تريح فيه الضغط المتواصل المتنالي ده وما اجمل
يعني ان الفصل ده يكون بطاعة الله سبحانه وتعالی - 00:49:03

مع اخوانك آآ ما اجتمع قوم في بيت من بيوت الله يتلون كتاب الله تصلي قيام ليل تخرج من هذه الحالة هتبقي انسان عندك حالة
من السواء النفسي شوية ده احتياج - 00:49:20

اللي انا بقوله ده احتياج نفسي الصلاة يا جماعة زي ما هي عبادة هي احتياج يعني انت لزلك آآ وانا كنت قلت لكم قبل كده الشيخ
سامي علی في كتابه لماذا يطلب الله من البشر عبادته وان كنت انا العنوان يعني - 00:49:34

شایف ان هو ایا کان يعني الكتاب اتكلم عن احتياج الانسان للعبادة وقال ان العبادة اصلا فكرة الكتابة المركزية مع اثار رائعة. نقلها
وخصوصا عن ابن رجب وغيره ابن القيم. ان العبادة احتياج وانا اتكلمت في ده في درس اجوف - 00:49:50

فانت لما ما بتديش الاحتياج ده انت بتقاد بصورة خاطئة بقى هنا. بتسير في المسار الخطأ لانك انت اصبحت هنا آآ يعني جائع
وبتتفزى غزاء خطأ فبتسير في الاتجاه الخاطئ - 00:50:07

فمن وسائل ايضا الخروج من او الهروب قبل الوصول للمنطقة المظلمة ان انت آآ زي ما قلنا انت بناء اوسع شوية يكون لك مصادر
تلقي غير الاعلام يعني يعني وسع مصادر التلقي بتاع - 00:50:21

اقرأ الفكرة كاملة بلاش مصادر التلقي بتاعتك تبقى السوشیال ميديا بس انا او افضل انا رأيي انا الشخصي. ده اللي انا باحبه. انك
تسمع اكتر من شيخ. ما حبس انك تسمع لشيخ واحد - 00:50:40

وانك يفضل كمان مجالات مختلفة لو انت تستطيع انا هنا مش بتتكلم على البناء مش بتتكلم على التركيز مسلا في بناء آآ مذهب فقهى
ولا بتدرس اصول ولا بتخلص باب فانت تحتاج تركز مع شيخ لا انا بتتكلم على السماع العام توسع افقه - 00:50:52

توسيع الافق ده بيدي آآ رحابة في البتاع وبيدي الامور حجمها آآ فزي ما قلنا مسألة ده هيخرجك ايضا من ضغط المجتمع السير
الزاتية والتاريخ تعرفك احجام المشاكل اللي مروا بها الناس. وانت لست بداعا من البشر - 00:51:09

واللعبة الشيطانية المشهورة اصل انت مشكلتك مختلفة عن الباقيين يعني اللعبة الشيطانية المشهورة. دايما يحسسك انت مشكلتك
مختلفة انت ابتلاء اعظم ابتلاء في الدنيا. وده اللي حصل لما النبي صلی الله عليه وسلم مر على امرأة - 00:51:32

بتبكي على فقد ولد لها وقال النبي صلی الله عليه وسلم اتق الله واصبر ويبدو هنا ان هي تعدد الحد يعني المأذوم به شرعا وقال
اتق الله واصبر. قالت له ايه ؟ هنا الرد الدفاع النفسي على طول - 00:51:48

اصل مشكلتي غير مشكلتك. اليك عني انك لم تصب بمصيبتي. انا مشكلتي اكبر. انت بتقعدوا تدونا دروس تقولوا لنا اصبروا اصل
انت مش حاسين بمشاكلكم. انت مش عارفين ايه المشاكل - 00:52:03

انت اصلا يعني ما هو خلاص ما تصرش وسابها ومشي النبي خلاص يعني بلاش فترارك يعني بس وده ايضا من فقه النبي صلی الله
عليه وسلم وحكمته ورفقه صلی الله عليه وسلم برضه لما يكون واحد رافض هنا ما تضفطش عليه نفسيا فتركتها النبي صلی الله
عليه وسلم - 00:52:13

فلما جت له بعد كده آآ وده زي ما قلت لكم انا مش فاكر قلت لكم انا قلت من الاخر الحديث ده كان يعني ايه انا تصورت قبل ما اسمع
نهاية الحديث - 00:52:33

آآ لما جت له بقى بعد كده تعترض قالوا لها انت مش عارفة ده النبي ساعتها ما كنتش اعرف فراحت له وبنعتذر فالنبي صلی الله عليه
 وسلم قال لها ايه ؟ ما لهاش طب معلش بقى خدي بالك المرة الجاية وكده. لا شك ولا انما الصبر عند الصدمة الاولى. فلابد ان في
 وقت للتعليم ماشي خلاص وقت الالسي - 00:52:45

الحزن عدى لازم نتعلم يعني احيانا التعليم مؤلم لكن لازم نتعلم المعنى ده. الصبر عند الصبر. فيه معاني يا جماعة ثقيلة انا قلت ده

في الدرس الآخراني بتاع سورة البقرة استعينوا بالصبر والصلوة. فيه ناس - 00:53:00

عرابي بتقابله الدكتور احمد سيف ما بيحبوش يسمعوا كلمة اصبر مش عايز يسمع كلمة الصبر دي في حياته وعايز حلول كل حاجة يعمل لي حل. كل حاجة هي عبارة عن آزر اير بيتضغط عليها - 00:53:16

يعني انك تقول ده الولا ابني لما باقول له يقول لي النت معلق باقول له اصبر يقول لي لأ مش هاصل. شف حل. طب اشوف لك حل اعمل ايه يعني اطلع اشد النت من فوق اعمل انا اعمل ايه في النت - 00:53:28

اصل النت بطبيعه. انا هنزل ازقه انا هعمل انا اصل انا عملت الداوتر رستارته هو في حاجات هتعمل لها ايه يعني عصر السوق كل حاجة عايز لها حل حالا. انا في يا جماعة حاجات هي حلها الصبر - 00:53:41

لما راحوا لسيدهنا موسى قال استعينوا بالله واصبروا ان الارض لله يريث ما يشاء من عباده. والعاقبة للمتقين في حاجات حلها الصبر لابد ان نستعين بالصبر فده برضو مهم فالنبي صلى الله عليه وسلم قال قال لها - 00:53:55

انما الصبر عند الصدمة الاولى. وهذه الابتلاءات المتتالية عاملة زي الاحمال الثقيلة في الجيم كده بتقوى عضلاتك ودي برضو بتقوى نفسيتك لما بتحسن التعامل معها عجبا لامر المؤمن. ان امران كله له خير - 00:54:13

يبقى آآ المرة دي حاولنا ننظر الى السماء من زاوية تانية نخرج نشيل غشاوة من على عينينا بطريقة تانية شوية مع مع الدرس اهمية سمع الدرس الاول نزر الحياة المرة دي صورة افقية شوية مش بالصورة الرئيسية توسع الدنيا شوية - 00:54:27

التوازن من النظر للحاجة على بعضها سواء الكتب اللي بنقرأها الافكار اوسع دائرة تلقي بتاعتي شوية اه ما خدش امور بصورة قطعية حسمية وانا واخدتها من مصدر معين بسيط - 00:54:49

آآ مازحمة همومني السفر الى عالم الغيب قيام الليل مهم جدا جدا سيهون علينا كثيرا. النبي صلى الله عليه وسلم في احلك المواقف كان يصلي كان اذا حسبي انه صلى - 00:55:05

صلى الله عليه وسلم غزوه بدر قام يصلي في غزوة الاحزاب قام يصلي صلى الله عليه وسلم عليك في الاستخاره انك بتصلني في الابتلاءات تصلي فهمهم جدا انسان يتعود يتعود الصلاة - 00:55:18

اسر مشهور ابن عباس لما نعي له اخوه وكان في الطريق يعني اوقف الدابة وقام يصلي وقام رضي الله عنه رضي الله عنهم ابن عباس قال قال الله سبحانه وتعالى واستعينوا بالصبر والصلوة وقام يصلي - 00:55:37

شف لما جالوس خبر على طول محتاج زاد في اللحزة دي. هذا من فقهه رضي الله عنه فقام يصلي موجود بيذكروه كتير الاية واستعينوا بالصبر والصلوة فده كان آآ يعني درس النهاردة. اسأل الله سبحانه وتعالى ان انا اكون قدرت اوصل - 00:55:52

الفكرة اللي انا عايز اوصلها لكم بدون ما اعمل لكم مشاكل زي ما كل مرة بحس ان الضروس بتزود المشاكل مش بتحلها بس كويس يعني ادينا بنعمل اي حاجة في الحياة - 00:56:12

ربنا يفتح عليكم ويسددكم ويقبل منكم. وآآ يعني سواء في التعليقات هنا او في اي حته لو في مواضع انت شايفين ان احنا حابين نتناولها قدر المستطاع كده. اسأل الله سبحانه وتعالى التوفيق. حاول الامسيات دي زي ما قلت - 00:56:21

حافظ على فكرة الدردشة صورة مفتوحة شوية آآ هاول ان شاء الله اتكلم على موضوع التدين اه دعواتكم بالتيسير كده يعني آآ يعني شرح الادب المفرد. يعني بصراحة استفدت جدا - 00:56:35

شرحه للدكتور طه نجا. وبازن الله احاول يعني حتى ايه آآ استأذنوا كده ونستعين بالله ونببدأ في الطرح ان شاء الله. قريبا يعني دعواتكم بالتيسير. اسأل الله سبحانه وتعالى ان يفتح لكم وان يسددكم. وان يصرف عننا الهم - 00:56:50

الهم والحزن وان يوفقنا سبحانه وتعالى لفعل ما يحب ويرضى. اسأل الله سبحانه وتعالى العزيمة والرشاد. نسأل الله سبحانه وتعالى ان يعزم لنا على اشرف امورنا. سبحانهك الله وبحمدك اشهد ان انت استغفرك واتوب اليك. والسلام عليكم ورحمة الله وبركاته - 00:57:05